

## ԲԵՐՔԱԲԵՐԻ ԿՈՒՐ-ԱՐԱՔՍՅԱՆ ՄՇԱԿՈՒՅԹԻ ԴԱՄԲԱՐԱՆԱԴԱՇՏՐ

Ս. Ն. ԳԱՍՊԱՐՅԱՆ

Կուր-արաքսյան մշակույթի ուսումնասիրման համար առավել կարևոր տեղ են գրավում Հայաստանի Հանրապետության տարածքի հուշարձանները: Քանի որ դրանց էլ ավելի մանրակրկիտ և խորն ուսումնասիրությունը կարող է նոր արժեքավոր տեղեկություններ տալ ինչպես կուր-արաքսյան մշակույթը կրողների նյութական և հոգևոր կյանքի, այնպես էլ մշակույթի հետ կապված որոշակի պրոբլեմային հարցերի վերաբերյալ<sup>1</sup>:

Մեր կարծիքով, Հայաստանի տարածքի վաղ բրոնզեդարի կուր-արաքսյան մշակույթին պատկանող հուշարձանների ուսումնասիրումը անբավարար է: Չնայած հայտնի են բազմաթիվ հուշարձաններ՝ Շրեշ-բլուր, Մոխրաբլուր, Շենգավիթ, Այգեվան, Ջրահովիտ, Հառիճ, Քեթի, Ամասիա, Հոռոմ, Կառնուտ, Սառնաղբլուր, Տիգնիս, էլար, Գառնի, Բերքաբեր և այլն, սակայն դրանցից և ոչ մեկում ամբողջական պեղումներ իրականացված չեն, իսկ սխտեմատիկ պեղումներ տարվում են սահմանափակ հուշարձաններում: Վատ են ուսումնասիրված հատկապես դամբարանադաշտերը և դամբարանային նյութը: Մինչդեռ, դամբարանադաշտերի ամբողջական պեղումների իրականացումը և դամբարանային նյութի խորն ու համակողմանի ուսումնասիրումը կարող է շատ արժեքավոր տեղեկություններ տալ կուր-արաքսյան մշակույթը կրողների հոգևոր պատկերացումների՝ կրոնի, պաշտամունքի ու հավատալիքների, ինչպես և նյութական կյանքի վերաբերյալ:

Բնակատեղիներում և դամբարաններում հայտնաբերվող հոգևոր պատկերացումներ արտացոլող նյութական արժեքների փոխկապակցված ուսումնասիրումը, ինչպես և թաղումների ժամանակ կատարված ծիսական արարողությունների եղած հետքերի մանրակրկիտ ուսումնասիրումը կարող են գիտական մեծ ինֆորմացիա տալ կուր-արաքսյան մշակույթը կրողների մոտ դեռևս մեզ անհայտ ծեսերի ու ծիսական արարողությունների, հոգևոր պատկերացումների վերաբերյալ: Պաշտամունքի ռառամնասիրման տեսանկյունից մեծ արժեք են ներկայացնում հատկապես դամբարաններում հայտնաբերվող հոգևոր պատկերացումներ արտացոլող զարդամոտիվներով խեցեղենը:

Կուր-արաքսյան մշակույթին պատկանող բնակատեղիների և դամբարանադաշտերի փոխկապակցված ուսումնասիրումը գիտական էլ ավելի մեծ ինֆորմացիա վարող է տալ այս մշակույթի հետ կապված պրոբլեմային հարցերի, ինչպես նաև կյանքի ու կենցաղի հետ կապված այլ ոլորտների վերաբերյալ:

Այս տեսակետից որոշակի հետաքրքրություն է ներկայացնում Բերքաբերի հնագիտական հուշարձանը, որը գտնվում է Իջևանի շրջանում՝ Ջողազ

<sup>1</sup> Կուր-արաքսյան մշակույթի կարևորագույն հարցերից մեկը այդ մշակույթի անհետացման մասին եղած տեսակետներն են: Այդ տեսակետները բազմաթիվ են և այդ հարցի վերաբերյալ միասնական, վերջնական ճիշտ դիրքորոշում գրեթե չկա: Այս մասին տե՛ս է. Վ. Խանզադյան, Գառնի, IV, Երևան, 1969, էջ 116—123, Գ. Ա. Меликишвили, Возникновение хеттского царства и проблема древнейшего населения Закавказья и Малой Азии (Вестник древней истории (այսուհետև՝ ВДИ), 1965, № I, с. 16—20); Л. Вулл, Материалы трех глав 2-й части I тома «Истории научного и культурного развития человечества» (Востник истории мировой культуры, 1957, № I, с. 101—102); Р. М. Мунчаев, Кавказ на заре бронзового века, М., 1975, с. 413—414.

գետի վրա կառուցված չլիարարի հարավային ափին, Բերքարեր գյուղից մի փոքր հյուսիս-արևմուտք։ Այս հուշարձանը գիտությանը հայտնի դարձավ Ջողազի ջրամբարի շինարարության ընթացքում։ Հողային աշխատանքների հետևանքով ոչնչացվել և ավերվել էին մեծ քանակությամբ կուր-արաքսյան մշակույթին պատկանող դամբարաններ։ Այստեղ հայտնի է նաև բնակատեղին, որը գտնվում է ջրամբարի հարավային ափին՝ Մեյդաններ և Մուղնի կոչվող տարածքներում։ Ջրամբարի շինարարության ժամանակ և հետագա տարիներին ջրի ափամերձ շրջանի ողողման հետևանքով հուշարձանի մի մասը ավերվել է։ Ավերված մասում, որտեղ առաջացել է ուղղահայաց մեծ կտրվածք, պարզ նշմարվում է մշակութային շերտի հզորությունը, որը տեղում հասնում է 2—3 մետրի։ Ամբողջությամբ վերցված, բնակատեղին ջրամբարի ափամերձ շրջանով ձգվում է շուրջ մեկ կմ երկարությամբ, որի հարավային եզրով էլ ձգվում է դամբարանադաշտը։ Դամբարանադաշտի արևելյան եզրը հասնում է մինչև Կիլասքա։ Հող վայրը, որտեղ բացվել էին մեծ քանակությամբ դամբարաններ։

1981 թ. ԳԱ հնագիտության և ազգագրության ինստիտուտի և Հայաստանի պատմության պետական թանգարանի կողմից Բերքարերում կատարվեցին պեղումներ։ Պեղումները հիմնականում կենտրոնացվեցին դամբարանադաշտի արևելյան հատվածում, որտեղ և պեղվեց 22 հիմնահողային թաղումներով դամբարաններ։ Իսկ նշված դամբարաններից շուրջ 200 մետր արևմուտք պեղվեցին երկու քարակղզային թաղումներով դամբարաններ, որոնք հիմնականում ավերված էին։ 1981 թ. այստեղ, պեղված հիմնահողային թաղումներով դամբարաններից 250—300 մետր արևելք, պեղվեց նաև բեղնայան համարվող մշակույթին պատկանող դամբարանադաշտը։

Բեղնայան մշակույթին պատկանող հուշարձանի հայտնաբերումը Հայաստանի տարածքում խոշոր հնագիտական հայտնագործություն է հայ հնագիտության համար և, ինչպես կտեսնենք, մեծ նշանակություն ունի կուր-արաքսյան մշակույթի հետ կապված որոշ պրոբլեմային հարցերի լուծման տեսանկյունից։


Բերքարերում պեղված և պատահականորեն բացված ու հետազոտված կուր-արաքսյան մշակույթին պատկանող դամբարաններն ըստ իրենց կառուցվածքի երկու տեսակի են՝ հիմնահողային և քարակղզային<sup>2</sup>։

Հիմնահողային թաղումներով դամբարանները ըստ դամբարանաթմբի կառուցվածքի բաժանվում են երեք խմբի։ Առաջին խմբի հիմնահողային թաղումներով դամբարաններն ունեն քարե պատյան, որոնք արտաքինից ուղուցիկ են, կտրվածքում կամարածե, իսկ վրան ունեն հողի լիցք (թումբ, աղ. I, նկ. 1)։ Այս դամբարանների քարե պատյանի տրամագիծը հասնում է 3—4 մ-ի, իսկ խորությունը 2,5 մետրի։ Այսպիսի դամբարանների բացվել էին Մեյդաններ տեղամասում՝ ոռոգման համար օգտագործված առվի խորացած հունի մեջ։ Պետք է ենթադրել, որ նման կառուցվածքի խոշոր դամբարաններում թաղվել են ցեղի վամ համայնքի ունեոր ներկայացուցիչներ։ Դամբարանադաշտում այսպիսի դամբարանները պետք է որ սակավ լինեին և այս տեղամասում պետք է դերակշռեին շարժային, փոքր, միայն հողաթմբով դամբարանները։ Մեր այս ենթադրությունը հաստատվեց, երբ 1981 թ. այստեղով անցավ ջրատարի շինարարության ժամանակ բացվեցին մի քանի

<sup>2</sup> Այս մասին տե՛ս Ս. Ե. Գասպարյան, Դամբարանների պեղումներ Իջևանի Բերքարեր գյուղում (Պատմա-բանաստիճական հանգես (սոցիալական գիտ.) ՊԲԶ), Երևան, 1987, № 1, էջ 229)։

<sup>3</sup> Դամբարանների կառուցվածքի և թաղման ծեսի վերաբերյալ հեղինակը զեկուցում է կարդացել 22 ԳԱ հնագիտության և ազգագրության ինստիտուտում կայացած գիտական կոնֆերանսում (տե՛ս Երևանի Գիտությունների VII կոնֆերանս, զեկուցումների թեզիսներ, Երևան, 1980, էջ 4)։

տասնյակ դամբարաններ, որոնց մեծ մասը հիմնովին ավերվել էին: Այս դամբարանների մանրակրկիտ զննումը ցույց տվեց, որ սրանք շարքային, միայնական թաղումով, առանց քարե լիցքի և պատյանի հիմնահողային թաղումներով դամբարաններ են:



1. Կողի լիցք

2. Ենթակառուցվածք

3. Կառավարող

4. Գլ աքաղ

5. Վաղաժամում

6. Կառավարող գույնի կառավարող ընկերություն

7. Դոմինո

8. Բալանս շերտ

9. Զարեկ աստվածի կողմից

10. Դոմինո

Աղ. 1

Հիմնահողային թաղումներով դամբարանների երկրորդ խմբի դամբարանաթմբերն ունեն հետևյալ կառուցվածքը: Սրանք դամբարանախցերի վերին հորիզոնական շափերին համապատասխան ունեն գլաքարի քառակուսի եզրային շարվածքներ, իսկ այս քառակուսի շարվածքների մեջ՝ քարի կույտեր, որոնց վրա արվել են հողաթմբեր (աղ. 1, նկ. 2 և 3): Դամբարանաթմբի այսպիսի կառուցվածքով դամբարաններ պեղվել են դամբարանադաշտի արեւելյան հատվածում՝ Գիլասքու հող տեղամասում:

Երրորդ խմբի դամբարանների դամբարանաթմբերն ունեցել են միայն հողի լիցք: Այս խմբի դամբարանների մի մասում քարի լիցքը գտնվում էր ոչ թե դամբարանախցի վերին մասում, այլ անմիջապես թաղման վրա (աղ. 1, նկ. 4), իսկ մի մասում ընդհանրապես բացակայում էր քարի լիցքը:

Հիմնահողային թաղումներով դամբարանները գտնվում են այնպիսի տարածքում, որը դարեր շարունակ օգտագործվել է որպես վարելահող և, հետևաբար, այդ դամբարանաթմբերը չէին կարող պահպանվել: Միայն որոշ դամբարանների դամբարանախցերի վրա պահպանված քարե լիցքն է, որ ենթադրել է տալիս դամբարանաթմբերի գոյությունը: Դատելով պեղված դամբարանների հեռավորություններից, որոնք կազմում են 3—7 մետր, կարելի է ասել, որ դամբարանաթմբերը եղել են բավականին փոքր շափերի:

Դամբարանադաշտի պեղված մասում նկատված ուշագրավ փաստերից մեկն այն է, որ այստեղ դամբարանները ունեն կանոնավոր դասավորություն:

և շարք են կազմում: Մեր կարծիքով այս օրինաչափությունը տարածվում է ուլի դամբարանադաշտի վրա: Իսկ դա նշանակում է, որ, եթե իրականացվեն ամբողջ դամբարանադաշտի պեղումները, ապա ժամանակագրական տեսանկյունից վերցրած, մենք մեր ձեռքի տակ կունենայինք մի միջոց, որով կաների կլինեին ճշտել և պարզաբանել բազմաթիվ հարցեր՝ տարբեր ժամանակներում մշակութային փոխառնչությունները այլ մշակույթների հետ, դրա հետ կապված՝ կալվամանների ձևերի, նրանց զարգամոտիվների, թաղման ծեսի, դամբարանների կառուցվածքային ձևերի զարգացման ժամանակագրական պատկերը:

Այժմ քարակղային թաղումով դամբարանների մասին: 1981 թ. մեր կողմից պեղվել է երկու քարակղային թաղումով դամբարան: Այս դամբարանները բացվել էին ջրամբարի շինարարության հետ կապված ճանապարհաշինական աշխատանքների ժամանակ և հիմնականում ավերված էին:

Առաջին դամբարանի քարակղի շարվածքը միաշար էր՝ շարված միջին մեծությամբ հարթավուն ճակատով գետաքարերից (աղ. I, նկ. 5), իսկ երկրորդինը մանր, հարթավուն գետաքարից էր և ուներ աղյուսաշար շարվածք (աղ. I, նկ. 6): Այս երկու դամբարանների պահպանված քարե պատերը կորավուն էին<sup>4</sup>: Սրանք հավանաբար ունեցել են պայտաձև կառուցվածք: Չնայած դամբարանները հիմնականում ավերված էին, այսուհանդերձ, պարզ նշմարվում էր նրանց վրա եղած դամբարանաթմբի գոյությունը (աղ. I, նկ. 5 և 6): Ըստ երևույթին դամբարանաթմբերը ունեցել են նաև քարե պատյաններ, որոնք չէին պահպանվել:

Կուր-արաքսյան մշակույթը վերող ցեղերի հոգևոր պատկերացումների և պաշտամունքի մասին որոշակի տեղեկություններ են տալիս հատկապես այստեղ պեղված դամբարանները և դամբարանային նյութերը: Չնայած պեղված դամբարաններն իրենց քանակով մեծ չեն և մեծ մասի վերին շերտերը հեռացվել էր ջրամբարի շինարարության ժամանակ, այնուամենայնիվ, հաջորդից պարզել թաղման հիմնական փասկարը:

Այստեղ պեղված հիմնահողային թաղումներով դամբարաններում թաղման ժամանակ օգտագործվել է ծիսական կրակ, որը հավանաբար պաշտամունքային տնտեսական կլոր տիպի օջախներից բերվել է Շենգավիթից հայտնաբերված կլոր, շարժական օջախի տեսակի<sup>5</sup> օջախիկներով: Ծիսական կրակը ծիսական նպատակներով օգտագործելուց հետո թափվել է դամբարանափոսից հանված հողի վրա, կամ՝ հողը դամբարանափոսը լցնելու ժամանակ մաս առ մաս լցվել դամբարանափոսը, որի ապացույցն փն բազմաթիվ դամբարանների դամբարանափոսների հողի լիցքի մեջ հայտնաբերված փայտածխի կտորները (աղ. I, նկ. 2):

Որոշ դամբարաններում, անմիջապես թաղման վրա, արևմտյան կողմում, հայտնաբերվել է 25—30 սմ տրամագծով մոխրի բարակ շերտ (աղ. I, նկ. 2), որը, մեր կարծիքով բերվել է բնակավայրի կլոր օջախների մոխրից: Թաղման ժամանակ մոխրի օգտագործումը ծիսական նպատակով հավանաբար խորհրդանշել է կյանքի մայրամուտը: Ծնթաղում ենք, որ մոխրի բերելու ժամանակ օգտագործվել է Շրեշ-բլուրից, Շենգավիթից և էլարից հայտնաբերված օջախիկ-պատվանդանների<sup>6</sup> տեսակի կավամաններ:

<sup>4</sup> Կորացող պատով պայտաձև քարակղային դամբարաններ հայտնի են էլարից (տե՛ս է. Վ. Խանդավյան, էլար-Դարանի, Երևան, 1979, էջ 36—37):


<sup>5</sup> Այս օջախիկը իր արտաքին տեսքով նմանվելով բնակարանների տնտեսական սլաշտամունքային օջախներին, իր չափերով բավականին փոքր է և ծառայել է ծիսական նպատակով: Այս տեսակի թե՛ մեծ և թե՛ փոքր օջախները կապվում են արևի պաշտամունքի հետ:

<sup>6</sup> է. Վ. Խանդավյան, Հայկական լեռնաշխարհի մշակույթը մ. թ. ա. 2-րդ հազարամյակում, Երևան, 1967, աղ. XVII (աղյուսակում տրված է մեկական օջախիկ-պատվանդաններ Շրեշ-բլուրից, Բջնիից, Խորումբուղից, Շենգավիթից), նույն ի՛նչ էլար-Դարանի, նկ. 41, 44, 46, 63 և աղ. IV—5, V—2, IX—1: Մեծ քանակությամբ օջախիկ-պատվանդաններ

Դամբարանների մանրակրկիտ հետազոտումները ցույց են տալիս, որ, իրենց ննջեցյալը կծկված վիճակում դրվել է թաղման խցում և դասավորվել է թաղման դույքը, դրանից հետո հողով ծածկվել է դիակը և գույքը, որից հետո լցվել է մոխիրը: Ինչպես տեսանք, հիմնահողային թաղումով երրորդ խրամի դամբարանների մի մասում անմիջապես թաղման վրա էր դրվում քարի լիցքը (աղ. I, նկ. 4): Այս հանգամանքները թույլ են տալիս հիմնահողային թաղումով դամբարաններում թաղման խցի մինչև մոխրաշերտը և անմիջապես թաղումը ծածկող քարի լիցքը ընկած տարածությունը կաշի թաղման շերտ մանավանդ որ սա, այսպես ասած, այն մակարդակի է, որտեղ գտնվում է դիակը և կանոնավոր դասավորված թաղման գույքը (աղ. I, նկ. 1, 2, 4):

Պեղված դամբարանների մի մասում դամբարանափոսի և դամբարանաթմբի լիցքի մեջ կային կարմիր գույնի խեցեղենի բեկորներ (աղ. I, նկ. 2): Սա, ինչուիս, կապ ունի կուր-արաքսյան մշակույթը կրողների հոգևոր պատկերացումների հետ և պատահական երևույթ չէ: Կարմիր գույնի խեցեղենը կապվում է արևի, կրակի պաշտամունքի հետ: Ընթացում են, որ այս գույնի կավամաները ջարդվել են հուղարկումից ծեծների ժամանակ և իրանց մի մասն է լցվել դամբարանների հողի լիցքի մեջ, իսկ մի մասն օդատեղործվել է մեզ առաջ մանհայտ նպատակներով:

Պեղված դամբարաններում նկատված ամենաուշագույն և կարևոր փաստերից է տղամարդկանց և կանանց [թաղումներում] կմախքների տարբերակված թաղման դիրքերը (աղ. II, նկ. 1 և 2):



Աղ. II

Այն դամբարանները, որտեղ կատարված էին տղամարդկանց թաղումներ, կմախքները դնվածով նայում էին արևելք, պառկեցված էին աջ կողքի վրա՝ կծկված վիճակում, ձեռքերը առաջ պարզած կամ գլխի տակ (աղ. II, նկ. 1):

Իսկ այն դամբարանները, որտեղ թաղված էին կանայք, կմախքները դնվածով նայում էին արևմուտք, պառկեցված էին ձախ կողքի վրա, ոտքերը կծկված վիճակում, ձեռքերը նորից առաջ պարզած կամ գլխի տակ (աղ. II, նկ. 2):

Այստեղ պեղված 22 հիմնահողային թաղումով դամբարաններից 20-ում կմախքները ուղղված էին հարավ-արևելքից հյուսիս-արևմուտք: Բացառություն էր կազմում մեկ դամբարան (դամբ. № 13), որտեղ կմախքը աջ կողքի էր, դնվածով նայում էր հարավ, զրուխը արևմտյան կողմում էր, իսկ ոտքերը՝ արևելյան (աղ. II, նկ. 3): Այս դամբարանում թաղված էր մանկահասակ աղջիկ: Բացառված չէ, որ դամբարանադաշտում լինեն նաև այլ կողմնորոշումով թաղումներ:

Հայտնաբերվել են Բաբա-Դերվիշից (Г. С. Исмаилов, Археологическое исследование древнего погребения Баба-Дервиш, Баку, 1977, табл. XII).

№ 11 դամբարանում բացակայում էր կմախքը: Դամբարանում հայտնաբերվեց մեկ բրոնզե օղ, կավամաններ և երկու մարդկային դանգեր, որոնց ծնոտի մասերը չկային: Գանգերը դրված էին դամբարանի հարավ-արևմտյան եզրում, իրար կողքի:

Տղամարդկանց և կանանց տարբերակված դիրքով թաղման սովորույթը Անդրկովկասում նկատվում է նաև ավելի ուշ շրջանի թաղումներում: Այսպես, 1976—1979 թթ. Վրաստանում, Մեծ Մցխեթում կատարված պեղումների ժամանակ բացվել են վաղ հելլենիստական շրջանի 170 հիմնահողային և բարարկղային թաղումներով դամբարաններ, որոնց մեծ մասը ունեցել են հարավ-հյուսիս ուղղվածությամբ: Քարակղային դամբարաններում տղամարդկանց թաղումներում կմախքը աջ կողքի վրա է եղել, իսկ կանացի թաղումներում՝ ձախ:

Տղամարդկանց և կանանց թաղումներով դամբարաններում կմախքների տարբերակված դիրքերը անշուշտ կապված են ծագող և մայր մտնող արևի պաշտամունքի հետ:

Թաղման ծեսի անբաժանելի մաս են կազմում նաև գամբարանախցերում դրված կավամանները: Հատկանշական է, որ դամբարաններում դրվել են կենցաղում օգտագործվող առաջին անհրաժեշտության իրեր՝ կճուճներ, քրեղաններ և գավաթներ: Սա ցույց է տալիս, որ կուր-արաքսյան մշակույթը կրողների մեջ ձևավորվել էր հանդերձյալ կյանքի գոյության մասին հավատը: Պեղված դամբարանների դամբարանախցերում կավամանները ունեին այնպիսի դասավորություն, ինչպիսին ունեն կուր-արաքսյան մշակույթի՝ պեղված մեղ հայտնի դամբարանադաշտերի դամբարանները: Պեղված 22 հիմնահողային թաղումներով դամբարաններից յուրաքանչյուրում դրված էր մեկից մինչև հինգ կավամաններ: Քանի որ պեղված դամբարանների մեծ մասում թաղման սովորույթը նույնն է, իսկ հայտնաբերված նյութերը դամբարաններում կրկնում են իրար և հիմնականում համաժամանակյա են, ուստի մենք անհրաժեշտ չենք համարում բոլոր դամբարանները և դամբարանային նյութերն այստեղ ներկայացնելու:

№ 17 և № 3 դամբարաններում, որոնցից առաջինում կատարված էր տղամարդու, իսկ երկրորդում՝ կնոջ թաղում, անմիջապես կմախքների դիմացին մասերում տեղադրված էին հնգական կավամաններ՝ մեկական կճուճներ, երկուական քրեղաններ ու գավաթներ (աղ. I I, նկ. 1 և 2):

Կճուճները մեկ կողմում ունեն հարուստ զարգաձևեր: Ուշագրավ է, որ այս կավամանները դամբարանախցերում դրված էին այնպես, որ զարդարված կողմով նայում էին հարավ: Այս հանգամանքը թույլ է տալիս եզրակացնել, որ դա կապվում է արևի պաշտամունքի հետ, և պատահական չէ, որ զարդապատկերների հիմնական տարրը պարույրն է, որը կապվում է արևի պաշտամունքի հետ:

№ 17 դամբարանից հայտնաբերված ամենակարևոր իրը թերևս արծաթյա օղն է:

№ 3 դամբարանից հայտնաբերվել է նաև մեկ բրոնզե մատանի, որը երկգլար է, դալրները ծայրերում նեղանում են և կտրվածքում ունեն կիռայունի տեսք: Այստեղից գտնվել են նաև երկու բրոնզե օղեր:

Ընդհանրապես այս երկու դամբարանների կավամանների դասավորությունը հատուկ է գրեթե բոլոր դամբարանների համար: Բացառություն էին կազմում երկու դամբարաններ: № 5-ում կմախքի դիմաց, դեմքի մոտ դրված էին մեկ կճուճ և քրեղան: Կճուճի մոտ դրված էին երկու գավաթ, իսկ մեկ

7 А. М. Апакидзе, В. В. Николаишвили, А. Н. Сихарулидзе, Т. В. Джгарква, М. С. Дзнеладзе, В. Г. Садрадзе, Г. Н. Манджгаладзе, Г. Д. Виунашвили, Археологические исследования на новостройках Великой Мцхета (1976—1979 гг.) (Археологические исследования на новостройках Грузинской ССР, Тбилиси, 1982, с. 108).

դավաթը դրված էր ոտքի թափի մոտ, բոլոր ուղղված էր ձախ ձեռքը: Դամբարանում հանգրվան էին ուղղված չորս զոհեր:

Այս դամբարանում, որտեղ կատարված էր կնոջ թաղում, ուռուի թափի մոտ գավաթի առկայությունը և դեպի այն ձեռքի ուղղվածությունը մի անգամ ևս ցույց են տալիս, որ դամբարաններում կմախքների դիրքերը, ձեռքերի ուղղվածությունները (դրված են գլխի տակ, պորտոլված են առաջ կամ ուղղված լինելի ոտքերը) և կավամաների դասավորությունները լիարժեքորեն են և պատահական չեն:




Աղ. 111

№ 19 դամբարանում, որտեղ ևս կնոջ թաղում էր կատարված, հախտաբերվեցին երկու կավամաններ: Մեկ գավաթ դրված էր գանգի հտեի կողմում. իսկ գանգի առջևի մասում՝ աջ ձեռքի վրա, դրված էր մեկ փոքր քրեղան: Սա ևս փայլով, դուրս ճկված կլորավուն շրթով, երկու կեղծ ունկերով, փոքր հատակով կավաման է, որի շուրթի տակով անցնում է երկրաչափական և ցանցաձև դարդանախշերով գոտի: Կավամանը իրանի մասում զարդարված

Լ Քոչնասյան տիկնիկը (աղ. V, նկ. 12 և 13), որոնք գտնվեցին անմիջապես ծննդի տակ և մեկ ապարանջան, որը հազցված էր ննջեցյալի աջ ձեռքին:

Ինչպես վերը ասվեց, № 13 դամբարանը կմախքի ուղղվածության տեղում, որտեղ ընկած էր կաղամամ, որտեղ ննջեցյալը դեմքով ուղղված էր հարավ: Այս դամբարանը յուրահատուկ է նաև իր նյութերով, որոնք չեն կրկնվում մյուս դամբարաններում: Այստեղից հայտնաբերվել են երեք կավամաններ, երկուսը քրեղան, իսկ մյուսը դավաթ: Այս կավամանները (աղ. III, նկ. 11—13) ունեն շուրթից սկսվող ուղղահայաց աղեղնաձև կանթեր: Շուրթից սկսվող ուղղահայաց կանթերով կավամաններ հայտնաբերվել են նաև Էրաստանի Օսի բնակավայրի № 1, 2 և 3 մանկական թաղումներով դամբարաններից<sup>9</sup>, որոնք թվագրվում են III հազարամյակի կեսով<sup>10</sup>: Այս դամբարանից գտնվեց դեպի ներս թեքվող պարույրներով բրոնզե սակրաձև եղջերու (աղ. IV, նկ. 9), որի նմանը հայտնաբերվել է նաև Վրաստանի Կոռնտի հնավայրից<sup>11</sup>:



Աղ. IV

Դամբարանից հայտնաբերվել է նաև բրոնզե օղ (աղ. V, նկ. 8), ագաթից և սպիտակ շաղախից ուլունքներ (աղ. VI, նկ. 5): Այստեղ հայտնաբերված

<sup>9</sup> Բնակատեղի կավամանների բեկորներ մեծ քանակությամբ հայտնաբերվել են ՀՀ-ի հյուսիս-արևմտյան մասի հուշարձաններից՝ Կառնուտից, Հառիճից (տե՛ս Թ. Ս. Խաչատրյան, Древняя культура Ширака, Ереван, 1975, рис. 7, 21 и 24).

<sup>10</sup> Լ. Գ. Զորջիկաշվիլի, Յ. Գոգաձե, Памятники Триалети эпохи ранней и средней бронзы, Тбилиси, 1974, табл. 29 рис. 121, 127, 131.

<sup>11</sup> Նույն տեղում, էջ 41.

<sup>12</sup> Բ. Ա. Կուֆтин, Археологическая маршрутная экспедиция 1945 года в Юго-Осетию и Имеретию, Тбилиси, 1949 табл. LXVIII.

նյութերի մեջ ամենակարևորը թերևս կապույտ ջնարակով երկու կլորավուն ուլունքներն են, (աղ. VI, նկ. 4), որոնք եզակի են, առաջին անգամ են հայտնաբերվում Հայաստանի տարածքի համաժամանակյա հուշարձաններից:

Ջնարակված երկարավուն, գլանաձև ուլունք հայտնաբերվել է նաև Արարիքալի Բաբա-Դերվիշ հուշարձանից<sup>12</sup>:

Դամբարաններից հայտնաբերված կավամանները, ինչպես ասվեց, կրեթ տեսակի են՝ կճուճներ, քրեղաններ և գավաթներ: Կճուճների մեծ մասը իրանի և վզի մասերում ունեն երկուական կիսագնդաձև կանթեր: Որպես կանոն, այս տեսակի կավամաններն ունեն հարուստ զարդապատկերներ: Զարդարված են միայն մեկ կողմից՝ վզի և իրանի մասերում: Սրանց իրանի վերին մասերով և վզերի հիմքերով անցնում են զարդապատկերներ՝ կազմված եռանկյունների, շեղանկյունների, գծերի ու կետաձևերի համադրությամբ: Կճուճների վզերի և իրանների վրայի զարդապատկերների հիմնական տարրերն են սակրաձև կիսաուսիներ, երկծայր կարթաձև նախշը, շեղանկյունին, պարուլը, երկպարուլը սակրանախշը, թռչնապատկերը, կենդանին<sup>13</sup>: Ամենաբարդ կոմպոզիցիաները կազմված են շեղանկյունների ու նրանց շուրջը դասավորված երկպարուլը սակրանախշերի, պարուլների և թռչնապատկերների համադրությամբ: Ուշագրավ է № 10 դամբարանից հայտնաբերված կճուճը, որը վզի մեկ կողմում ունի շորս սակրաձև զարդապատկերներ: Այս տեսակի զարդապատկերով կարմիր գույնի կավանոթի վզի մաս հայտնաբերվել է Բաբա-Դերվիշից<sup>14</sup>: Անպարուլ և երկպարուլ սակրաձև զարդապատկերը բավականին տարածված է: Այս զարդաձևով կավամաններ ու կավամանների բեկորներ հայտնի են Շուլավերից<sup>15</sup>, Կառնուտից<sup>16</sup>, Հառիճից<sup>17</sup>, Շենգավիթից<sup>18</sup>, Շրեշ-բլուրից<sup>19</sup>, Ամիրանիս-բլուրից<sup>20</sup>:

Դամբարաններից հայտնաբերվել են նաև բավականին քանակությամբ տարբեր չափերի քրեղաններ և գավաթներ, որոնք հիմնականում աղ. III-ում տրված քրեղանների և գավաթների ձևն ունեն: Դամբարաններում հայտնաբերված բոլոր կավամանները սև գույնի են, փայլեցված, բացառությամբ № 13 դամբարանից հայտնաբերված միականթ, լայն հատակով կավամանը, որն ունի դեղնակարմրավուն գույն (աղ. III, նկ. 12):

Պեղված հիմնահողային թաղումներով դամբարաններից հայտնաբերվել են 39 միավոր մետաղյա իրեր՝ 36-ը բրոնզից, 3-ը արծաթից:

Ուշագրավ է հատկապես № 18 դամբարանից հայտնաբերված դաշույնը (աղ. IV, նկ. 1), որը լայն տարածում ունի կուր-արաքսյան մշակույթում: Մեկ այլ դաշույն գտնվել է ջրամբարի հյուսիսային կողմից՝ Կվիլ յալ վայրից, որը սակայն թվագրվում է ուշ շրջանով և պատկանում է միջին բրոնզի ժամանակաշրջանին (աղ. V, նկ. 24): Մնացած մետաղյա իրերը զարդեր են՝ մեկ մատանի (աղ. V, նկ. 1), քսան բրոնզե (աղ. V, նկ. 2—8, 11—14, 16—23)<sup>21</sup> և երեք արծաթե օղեր (աղ. V, նկ. 9, 10, 15), շորս երկկոնիկ ուլունք-

<sup>12</sup> И. Г. Нариманов, Г. С. Исмаилов, Акстафачайское поселение у г. Казах. (Советская археология (այսուհետև СА), 1962, № 4, рис. 3—6).

<sup>13</sup> Կենդանու պատկերներ կան նաև Շենգավիթից հայտնաբերված կավամանների վրա (տե՛ս Ս. Զ. Սարգսյան, Նախնադարյան հասարակությունը Հայաստանում, Երևան, 1967, աղ. LX):

<sup>14</sup> Г. С. Исмаилов, նշվ. աշխ., աղ. XVII, 3:

<sup>15</sup> К. Х. Кушнарева, Т. Н. Чубинишвили, Древние культуры Южного Кавказа (V—III тыс. до н. э.), Л., 1970, рис. 53.

<sup>16</sup> Т. С. Хачатрян, նշվ. աշխ., նկ. 7:

<sup>17</sup> Նույն տեղում, նկ. 22 և 23:

<sup>18</sup> Ս. Զ. Սարգսյան, նշված աշխ., աղ. L, նկ. 4:

<sup>19</sup> Նույն տեղում, աղ. XVIII, նկ. 4:

<sup>20</sup> К. Х. Кушнарева, Т. Н. Чубинишвили, նշվ. աշխ., նկ. 21-ի 15:

<sup>21</sup> Հայտնաբերված օղերից մեկը № 2 դամբարանի նյութերի հետ միասին հանձնվել է Հայաստանի ազգադրության պետական թանգարան: Նյութերը գտնվում են Հայաստանի պատմության պետական թանգարանի ֆոնդերում:

ներ (աղ. VI, նկ. 1), Լրկու սակրածե կախիկներ, որոնցից մեկը անպարուլը է (աղ. V, նկ. 8 և աղ. VI, նկ. 2), իսկ մյուսն ունի դեպի ներս ծավալող պարսյուններ (աղ. V, նկ. 9 և աղ. VI, նկ. 3), մեկ երկար, ձեղկոնիկ ուլունք (աղ. VI, նկ. 7) մեկ Լրկար, յոթ հալատով ուլունք (աղ. VI, նկ. 7) վերջապես մեկ փոքր, Լուսդար, նեղացող ծայրերով ուլունք (աղ. VI, նկ. 5)։

Բրոնզե զարդերի մեջ ուշադրավ են № 8, 19 և 23 դամբարաններից հայտնաբերված ապարանջանները։ № 8 դամբարանից հայտնաբերված ապարանջանը քառադար է, դարձերը տափակավուն են, ծայրերում նեղացող, իսկ № 19 դամբարանից հայտնաբերվածը եռադար է։ № 23 դամբարանից հայտնաբերվել է երկու ապարանջան, որոնցից մեկը եռադար է, իսկ մյուսը քառադար։

Ապարանջանների գալարները ներսի կողմից տափակավուն են, իսկ դրսից՝ կարավուն, կտրվածքում ունեն կիսալուսնաձև տեսք։ Այս տեսակի պարուրածե փաթավածքով ապարանջանները հայտնի են էլարից<sup>22</sup>, Կվաց-խելերից<sup>23</sup>, Օձնիից<sup>24</sup>։

Բացի վերը ներկայացված զարդերից, № 22 դամբարանից հայտնաբերվել է մեկ կախիկ-համալի (աղ. VI, նկ. 8), որը շարված է և համալիներ ունեցել է կիսալուսնաձև տեսք։ Կիսալուսնաձև տեսքով կախիկ-համալիներ հայտնի են էլարի վաղբրոնզեդարյան դամբարանադաշտից<sup>25</sup>, № 22 դամբարանում գտնվել է նաև երկու կվարցե սպիտակ, թափանցիկ ուլունքներ (աղ. VI, նկ. 10)։ № 23 դամբարանից գտնվել են սպիտակ շաղախից պատրաստված 17 ուլունքներ (աղ. VI, նկ. 11), իսկ դամբարանադաշտի ավերված մասից մեկ տափակավուն, սաղաֆից պատրաստված կախիկ, որը կենտրոնում ունի անցք։ Այս տեսակի կախիկներ հայտնի են Վրաստանից<sup>26</sup> և Ադրբեջանից<sup>27</sup>։

Դամբարանային նյութերից արժեքավոր է հաև № 24 դամբարանից գտնված հետաքարից պատրաստված մուրճը, որը կենտրոնում ունի անցք՝ կոթն ումրացնելու համար։

Պեղված հիմնահողային թաղումներով դամբարանների նյութերի ուսումնասիրումը ցույց է տալիս, որ այն պատկանում է կուր-արարայան մշակույթի III փուլին և կարելի է թվադրել մ. թ. ա. 2400—2300 թթ.-ով։

Այս դամբարաններում հայտնաբերված որոշ նյութեր առնչվում են պաշտամունքի, հետո՝ Երկու կանացի թաղումներով դամբարաններից հայտնաբերված բրոնզե կախիկները անշուշտ առնչվում են լուսնի պաշտամունքի հետ, երկու պարույրներով կախիկը՝ լիալուսնի, իսկ կիսալուսնաձևը՝ կիսալուսնի։ Կիսալուսնի պաշտամունքի հետ է առնչվում նաև կախիկ-համալի։

Դամբարաններում կատարված թաղման ժեսը, մետաղյա պաշտամունքային տեսարկաները, կավամանների պաշտամունքային դրվագազարդ մոտիվները ցույց են տալիս, որ կուր-արարայան մշակույթը կրողների հոգեվոր պատկերացումներում և պաշտամունքի մեջ կարևոր տեղ են գրավել հիմնականում արևը, լուսինը և կրակը։ Ընդ որում, որպես երկու դիտավոր աստվածներ հանդես են եկել Արևը և Լուսինը։

Բերքաբերի դամբարանադաշտում պեղված դամբարանային նյութերից փոսկան մեծ արժեք են ներկայացնում հատկապես № 14 և № 15 քարակ-

<sup>22</sup> է. Վ. Խանդադյան, էլար-Դարանի, աղ. VIII, նկ. 3, 4։

<sup>23</sup> К. Х. Кушнарева, Т. Н. Чубинишвили, նշվ. աշխ., նկար. 26-ի 3։

<sup>24</sup> Л. Г. Жоржикашвили, Э. М. Гогодзе, նշվ. աշխ., աղ. 25-ի 80։

<sup>25</sup> է. Վ. Խանդադյան, էլար-Դարանի, նկ. 56։

<sup>26</sup> Л. Г. Жоржикашвили, Э. М. Гогодзе, նշվ. աշխ., աղ. 29, նկ. 129։

Այս կախիկը հայտնաբերվել է Օձնի հուշարձանի № 2 մանկական թաղումով դամբարանից։

<sup>27</sup> И. Г. Нариманов, Г. С. Исмаилов, նշվ. աշխ., նկ. 3-ի 7։

ղային թաղումներով դամբարաններից հայտնաբերվածները: Այս դամբարաններից № 14-ը (աղ. I, նկ. 6) գրեթե հիմնականում ավերվել էր և պահպանվել էր միայն հարավային անկյունը, որտեղից գտնվեցին երեք երկկոնիկ գավաթներ (աղ. IV, նկ. 2—4):

Այս երկու քարարկղային թաղումներով դամբարաններից ուշագրավ է հատկապես № 15 դամբարանը: Չնայած այս դամբարանը ևս ավերվել էր, բայց պահպանված մասում մնացել էին բավականին քանակությամբ կավամաններ և կավամանների բեկորներ: Դամբարանում հայտնաբերվեցին նաև մարդկային ոսկորների մնացորդներ, որոնք այրված էին և դամբարանախորում դասավորված էին անկանոն ձևով: Այս հանգամանքը թույլ է տալիս եզրակացնելու, որ մինչև դամբարան դնելը կմախքը (կամ կմախքները) այրված վիճակում է եղել: Այս քարարկղից հայտնաբերվեց երկու բավականին մեծ, երկկանթ կճուճ, որոնցից մեկն ունի ուղիղ պատեր, լայն բերան, ուղիղ շուրթ և գորշավուն դույն: Մյուս կճուճը սև գույնի է, թույլ փալեցված, ունի ուռուցիկ, անզարդ իրան, աստիճանաբար նեղացող հատակ և կարճ վիզ: Դամբարանում իրար վրա դրված, ջարդված վիճակում գտնվեցին երկու քրեղանատիպ կավամաններ, որոնք ունեն դեղնակարմրավուն դույն: Այս կավամաններից մեկը ունի ուղիղ շուրթ, լայն բերան և բավականին մեծ հատակ: Մյուս կավամանը ևս ունի ուղիղ շուրթ և լայն բերան, աստիճանաբար դեպի ցած նեղացող, մի փոքր ուռուցիկ իրան, փոքր հատակ: Այս կավամանը իրանի միջին մասում ունի մեկ կանթ: Առաջին կավամանից հայտնաբերվել է նաև նախիջևանի Քյուլ-թափա հուշարձանի երկրորդ շերտից<sup>28</sup>, իսկ երկրորդից Գառնիի կուր-արաքսյան մշակույթին պատկանող շերտից<sup>29</sup>:

№ 15 քարարկղի հայտնաբերված կավամաններից թերևս առավել արժեքավոր են երկկոնիկ գավաթները: Այստեղ գտնվել են հինգ այս տեսակի գավաթներ, որոնցից երեքը տրված են աղ. IV-ում (5—7): Գավաթները կանթների հակադիր կողմերում ունեն ակոսագծերով արված զարդապատկերներ՝ կաղմված թռչունի, պարույրի, երկրաչափական զարդանախշերի և կնտ գծերի համադրությամբ: Այս տեսակի երկկոնիկ գավաթ հայտնաբերվել է Վրաստանի հարավ-արևելյան շրջանից, Թրիալեթից<sup>30</sup>, Թրիալեթում՝ Կուլթաբի կողմից պեղվել են չորս դամբարանաբլուրներ<sup>31</sup>, որոնց նյութերը համաժամանակյա են Բերքաբերում պեղված քարարկղների նյութերին և թվագրվում են կուր-արաքսյան մշակույթի վերջին փուլով<sup>32</sup>: Այս դամբարաններից դտնրված կավամանները իրենց վրայի զարդաձևերի հորինվածքով և կատարման ձևերով կապվում են Բերքաբերի № 14 և № 15 դամբարաններից հայտնաբերված նյութերի հետ, որոնք փաստորեն ներկայացնում են կուր-արաքսյան նյութական մշակույթն իր զարգացման ամենավերջին աստիճանով: Մեր կարծիքով այս նյութերը կարելի է թվագրել վաղ բրոնզ III-ի վերջին փուլով՝ 2200—2000 թթ.: Սա այն շրջանն է, երբ կուր-արաքսյան մշակույթին պատկանող բնակատեղիների վրա ուժեղանում են հարձակումները ալլամշակույթ ցեղերի կողմից, իսկ նախկին բնակիչները աստիճանաբար լքում են իրենց բնակավայրերը:

№ 15 դամբարանում հայտնաբերված մարդկային ոսկորների այրված լինելը թույլ է տալիս մեզ եզրակացնելու, որ բնակավայրի վրա կատարվել

<sup>28</sup> О. А. Абибулаев, Остатки жилищ во втором слое поселения Кюл-тепс, около Нахичевани (Труды Азербайджанской экспедиции. Материалы и исследования по археологии СССР, № 125, М.—Л., 1965, табл. II, 9).

<sup>29</sup> Է. Վ. Խաչատրյան, Գառնի, IV, նկ. 60.

<sup>30</sup> Б. А. Куфтин, Археологические раскопки в Триалети, т. I, 1941 табл. СХІV (рис. 114).

<sup>31</sup> Նույն տեղում, դամբ. № IV, XIII, XIX, XXIV.

<sup>32</sup> Л. Г. Жоржикашвили, Э. М. Гогбдзе, Уշվ. աշխ., էջ 4:

է հարձակում, որի հետևանքով վառվել է այն, իսկ մոխրակույտի տակ մնացած կմախքները հավաքվել են հարձակումից հետո և թաղվել: Մեր այս հնթադրությունը հաստատում են 1986 թ. Երևանի պետական համալսարանի հնագիտական գիտահետազոտական լաբորատորիայի արշավախմբի կողմից նշված երկու քարարկղիներից շուրջ 100 մետր հեռավորության վրա գտնված երեք քարարկղային թաղումներով դամբարանների պեղումները: Այս դամբարանները գտնվում էին բլրի լանջին և շարք էին կազմում<sup>33</sup>:

Առաջին դամբարանում հայտնաբերվել է հիսունից ավելի տարբեր տարիքի մարդկանց կմախքներ և վաթսուհից ավելի կավամաններ<sup>34</sup>: Պեղումների ղեկավարների կարծիքով այս դամբարանը եղել է տոհմի կամ չբաժանված ... ընտանիքի գերեզմանոց, որտեղ իբր պարբերաբար կատարվել են թաղումներ<sup>35</sup>: Սակայն մեր կարծիքով այս դամբարանը եղել է ոչ թե տոհմի դերեզմանոց, որտեղ պարբերաբար թաղումներ են կատարել, այլ այստեղ փաստորեն մենք գործ ունենք այլ երևույթի հետ, որը հաստատում են նաև այստեղ պեղված երկրորդ և երրորդ դամբարանների պեղումները: Երկրորդ դամբարանի թաղման խուցը, որտեղ կային երկու կմախքներ, հողի վրա հետ, որը վառված էր, խառը լցված էր մեծ քանակությամբ մոխիր, որը պեղումների ղեկավարներին թույլ էր տվել եզրակացնելու, որ այս դամբարանի վրա վառվել է մեծ խարույկ, որի հետևանքով կմախքներից մեկը այրվել է, իսկ կավանոթները տեղում ճաքել և բեկոտների են բաժանվել<sup>36</sup>: Ըստ նրանց, դամբարանի պատերի վերին հատվածները կառուցված են եղել լուծ աղյուսակով, որոնց այրված բեկորները մեծ քանակությամբ հանդես էին գալիս դամբարանի ներսից<sup>37</sup>: Մոխրի և փայտածխի մնացորդներ կային նաև երրորդ դամբարանում:

Այս երեք քարարկղային թաղումներով դամբարանների նյութերը, որոնց մեջ մեծ քանակությամբ էին կազմում մեր կողմից պեղված № 14 և № 15 դամբարանների երկկոնիկ գավաթների տեսակի կավամաններ, մեր կարծիքով համաժամանակյա են այդ դամբարանների նյութերի հետ:

Այստեղ ևս մենք գործ ունենք բնակատեղիի վրա կատարված մեծ հարձակման հետ, որի հետևանքով մեծ քանակությամբ մարդկային զոհեր են եղել, այրվել են տները, որի այրված փլատակների տակ մնացել են մարդկանց վառված մարմինները: Թշնամու հեռանալուց հետո դիակները հավաքվել են և թաղվել միասին, որը պարզ երևում էր առաջին դամբարանից, որտեղ թաղվել էին նաև քավականին քանակությամբ հղի կանայք, որոնց կմախքների որոմայնի մասերում հայտնաբերվեցին երեխաների գանգեր: Իսկ այն մարմինները, որոնք մնացել են վառված տների փլատակների տակ, հանվել են ավելի ուշ և թաղվել երկրորդ և երրորդ դամբարաններում: Երկրորդ դամբարանում թաղված դիակները ամբողջովին վառված են եղել, որի հետևանքով հավաքվել է մոխրախառն հողի հետ և լցվել դամբարանախուցը: Այստեղ մեծ քանակությամբ հայտնաբերված չթրծված կավի մնացորդները թույլ են տվել եզրակացնելու, որ դամբարանի պատերի վերին հատվածները շարված են եղել հում աղյուսակներով: Մինչդեռ դամբարանի ներսում չթրծված կավի մնացորդները ցույց են տալիս, որ դամբարանում թաղվել է կավագործ, որի դիակը գտնվել է իր արհեստանոցի փլատակների մեջ: Վառվելուց քայ-

33 Գ. Ե. Արեշյան, Զ. Ե. Սիմոնյան, Ս. Ե. Գասպարյան, Նորահայտ դամբարաններ Զոդազում (Հայկական ՍՍՀ-ում 1985—1988 թթ. դաշտային հնագիտական աշխատանքների արդյունքներին նվիրված գիտական նստաշրջան, զեկուցումների թեզիսներ, Երևան, 1987, էջ 7):

34 Նույն տեղում:

35 Նույն տեղում:

36 Նույն տեղում, էջ 8:

37 Նույն տեղում:



դադարի հետ, որը կարևոր դեր է խաղացել Միջին Արևելքի պատմության մեջ<sup>43</sup>։ Ըստ նրա, այս արտագաղթը տեղի է ունեցել դուրս մղման հետևանքով և պարզ է, որ կուր-արաքսյան մշակույթի բնակատեղիները ենթարկվել են նոր, հավանաբար զարգացած անասնապահական մշակույթ ունեցող ցեղերի ներխուժումներին։

Կուր-արաքսյան մշակույթը միանգամից չէ, որ վերացել, անհետացել է։ Այն մշտապես ենթարկվել է պարբերաբար կրկնվող հարձակումների այլ էթնիկ տարրերի կամ այլամշակույթ ցեղերի կողմից։

Այս ներթափանցումները ուժեղացել են հատկապես լինած մ. թ. ա. III դարի առաջին կեսերին, որի հետևանքով Հայկական լեռնաշխարհի ողջ տարածքը ընդգրկող կուր-արաքսյան բնակատեղիները սկսել են նոսրանալ, միաժամանակ սկսվել է նոր նվաճող ցեղերի բնակեցումը, որոնք իրենց հետ բերել են նաև իրենց մշակույթը։

Այս նոր, կուր-արաքսյան բնակատեղիները նվաճող և բնակություն հաստատած ցեղերից են բեդենյան մշակույթը կրող էթնիկ տարրերը, որոնք, ներխուժելով Անդրկովկաս, սկզբում բնակություն են հաստատել Ալազան և Իորի գետերի ավազաններում (հավանաբար նաև Ադրբեջանի հյուսիս-արևմտյան շրջանում)՝ այդտեղից դուրս մղելով նախկին կուր-արաքսյան մշակույթը կրողներին։

Կան նյութական մշակույթին վերաբերող տվյալներ, ինչպիսին Բերքաբերում պեղված հինգ քարակղզային թաղումներով դամբարանների և Թրիալեթում Կուֆտինի կողմից պեղված № IV, XIII, XIX և XXIV դամբարանաբլուրների նյութերն են, որոնք ցույց են տալիս, որ միաժամանակ Վրաստանի հարավ-արևելյան, հատկապես նրամ գետի ավազանի և Հայաստանի հյուսիս-արևելյան շրջանների կուր-արաքսյան բնակատեղիների բնակիչները տեսակետաբար և մշակութային կապերի մեջ են եղել սկզբնապես Ալազան և Իորի գետերի ավազաններում հաստատված բեդենյան մշակույթը կրող ցեղերի հետ, Հասակապես այս հուշարձաններում հայտնաբերված երկկոնիկ գավաթները իրենց ձևով և խեցեղենի պատրաստման տեխնոլոգիայով անմիջապես Իորի-ալազանյան մշակույթի ազդեցությունն են կրում։ Մշակութային փոխառնության հետևանք է, անշուշտ, այս մշակույթներում գավաթների վրա՝ կանթերի հակադիր կողմերում փոսիկների առկայությունը։ Բայց հետագայում սկսվել են Հայկական լեռնաշխարհի հյուսիսային և հյուսիս-արևելյան շրջանների կուր-արաքսյան բնակատեղիների վրա Իորի-ալազանյան հովտում հաստատված ցեղերի կողմից ներխուժումները, որի հետևանքով կուր-արաքսյան մշակույթի բնակավայրերը դատարկվել են, քսվել բնակիչները հեռացել են այլ վայրեր։ Այս նոր մշակույթին պատկանող հուշարձանների առկայությունը Վրաստանի հարավ-արևելյան շրջանում՝ Տետրիծղարոյի շրջանի Բեդենի բնակավայրում, Հայաստանի հյուսիս-արևելյան մասում՝ Իջևանի շրջանի Բերքաբեր գյուղում և վերջերս Ադրբեջանի հարավ-արևմտյան մասում ի հայտ եկած<sup>44</sup> ցույց են տալիս, որ Հայկական լեռնաշխարհի հյուսիս-արևելյան շրջանում կուր-արաքսյան մշակույթի և այդ մշակույթի կրողների անհետացումը կապված է նաև անմիջապես բեդենյան մշակույթը կրող ցեղերի կողմից կուր-արաքսյան մշակույթը կրողների դուրս մղման և նրանց զբաղեցրած տարածքներում հաստատման հետ։ Պետք է ենթադրել, որ այս ցեղերը հաստատվելով Կուր գետի ձախակողմյան մա-

<sup>43</sup> Նույն տեղում։ Լ. Վուլֆի կուր-արաքսյան մշակույթի անհետացման տեսակետին համակարծիք է նաև Գ. Ա. Մելիքիշվիլին։ Այս մասին տե՛ս Գ. Ա. Меликишвили, Возникновение хеттского царства и проблема древнейшего населения Закавказья и Малой Азии (ВДИ, 1965, № 1, с. 20)։

<sup>44</sup> Տե՛ս Կ. Ն. Пичхелаури, Археологические исследования в зонах новостроев иоро-алазанского бассейна (Археологические исследования на новостройках. Грузинской ССР, Тбилиси, 1982, с. 57)։

սում և Հայկական լեռնաշխարհի հյուսիս-արևելյան մասերում, սկսել և՛ հետագայում հարձակումներ դործել լեռնաշխարհի վեներոնական մասերի վրա, հասնելով մինչև Արարատյան դաշտ։ Մեր կարծիքով կուր-արաքսյան մշակույթի անհետացման մասին ճիշտ է անդլիացի գիտնական Լ. Վուլլիի տեսակետը։ Հայաստանի տարածքում այս նոր՝ բեդենյան համարվող մշակույթի և կուր-արաքսյան մշակույթի փոխառնչությունների մանրակրկիտ ուսումնասիրումը կհաստատի այս փաստի ճշտությունը և ստույգ պարզաբանումներ կմտցնի հարցի մեջ։

Ընդհանրապես կուր-արաքսյան մշակույթի մասին ևղած տեսակետները մեջ կան թերի, ոչ լիարժեք ըմբռումներ, որոնք արդյունք են այն բանի, որ այդ մշակույթի ընդգրկման սահմանները գտնվում են տարրեր և րկրների տարածքներում։ Տարբեր երկրների և միութենական հանրապետությունների գիտնականները այդ մշակույթը ինչ-ինչ պատճառներով ուսումնասիրում էին ոչ օբյեկտիվորեն, որն էլ ավելի է դժվարացնում այս մշակույթի հետ կապված հարցերի պարզաբանումն ու լուծումը։

Մինչդեռ այս մշակույթը, որի տարածման բուն շրջանները համապատասխանում են Հայկական լեռնաշխարհի ողջ տարածքին, կարող է բարձր մակարդակի ուսումնասիրման և վիճելի հարցերի պարզաբանման։ Այս մշակույթի հետ կապված պրոբլեմային հարցերի լուծումը մեծ ներդրում կլինի ողջ Առաջավոր Ասիայի այդ ժամանակաշրջանի պատմության և մշակույթի ուսումնասիրման գործում։ Հետևապես, այս մշակույթի ուսումնասիրման, վիճելի հարցերի պարզաբանման և լուծման համար, հարցն ուսումնասիրող գիտնականները պետք է հարցին օբյեկտիվ մոտեցում ցուցաբերեն՝ վեր հանելով պատմական ողջ ճշմարտությունը, դրա համար օգտագործելով հնագույն մշակույթների ուսումնասիրման ողջ փորձը, հավաքված դիտելիքները։ Կուր-արաքսյան մշակույթին վերաբերող վիճելի հարցերի պարզաբանումը և լուծումը կնպաստի նաև այդ մշակույթի ընդգրկած տարածքի հետագա հետազոտական մշակույթների ուսումնասիրմանը։

## МОГИЛЬНОЕ ПОЛЕ КУРО-АРАКСКОЙ КУЛЬТУРЫ БЕРКАБЕРА

С. В. ГАСПАРЯН

### Резюме

В 1981 г. Институтом археологии и этнографии АН Армении и Государственным музеем истории Армении в селе Беркабер Иджеванского района, на территории Джугазского водохранилища были проведены раскопки. Раскопанные гробницы, принадлежащие куро-аракской и беденской культурам, имеют большую научную ценность. Материалы, выявленные в результате раскопок, датируются концом III—началом II тыс. до н. э. Многие могильные материалы, непосредственно принадлежащие к последнему периоду существования куро-аракской культуры—2200—2000 гг. до н. э., интересны с точки зрения интерпретации проблемных вопросов в связи с исчезновением куро-аракской культуры в северных и северо-восточных районах Армянского нагорья.